



**VÄLDIKODÁLÁVT MERHÂŠITTEE ARKEOLOGISIIH  
ČUOSÂTTUVAH VARK -inventistem SOVA-laavâ 3 § miäldásâš  
pirâsvaiguttâsâi árvuštâllâm**



Musealágádus  
Museovirgádâh  
Mu'zeikoontâr

# **VÄLDIKODÁLÁVT MERHÂŠITTEE ARKEOLOGISIIH ČUOSÂTTUVAH VARK -inventistem SOVA-laavâ 3 § miäldásâš pirâsvaiguttâsâi árvuštâllâm**

Rähteeh: Teija Tiitinen & Teemu Mökkönen

Museovirgádâh, Kulttuurpirâspalvâlusah

Lohe koveh:

Vuossâmuš raddalâs: Hauensuoli (Gäddtarmen)(Kaisa Lehtonen, AKDG433:1, Arkeologia kovečuágáldâh, Museovirgádâh); Ruotsinsalmi VARK-kuávlu, čuosâttâh Patteri Katarina (Helena Ranta, AKDG6188:7, Arkeologia kovečuágáldâh, Museovirgádâh).

Nubbe raddalâs: Kastelli Linnakangas (Vesa Laulumaa, AKDG6942:2, Arkeologia kovečuágáldâh, Museovirgádâh); Toorjâsaje XXIX:3 (Tave-Leppävaara) (Eetu Sorvali, čuvôvâkoveh 3338:12, KAMU Espoo kaavpugmuseo); Uittamonsalmi (Pekka Kivikäs, K2336/04169, Koskâ-Suomâ museo).

Kuálmâd raddalâs: Ravattula Ristimäki (Teija Tiitinen, AKDG5981:2, Arkeologia kovečuágáldâh, Museovirgádâh); Jierstirova pivdemkyeppivuáháduvah, čuosâttâh Seitakivenmaa (Petri Halinen, AKDG6960:1, Arkeologia kovečuágáldâh, Museovirgádâh).



**Musealágádus  
Museovirgádâh  
Mu'zeikoontâr**

# Siskáldâs

<b>1. Oohtâンkiäsu .....</b>	<b>1</b>
1.1 Arkeologâlâš kulttuurärbi .....	1
1.2 Pirâsárvuštâllâm olášuttem .....	2
<b>2. VARK-inventistem.....</b>	<b>3</b>
2.1 Siskáldâs, mittomereh já koskâvuotâ eres vuáváámáid.....	3
2.2. Inventistem vuáđustâsah já olášuttem .....	4
2.3 Inventistem puátuseh uánihávt .....	5
<b>3. Vaiguttâsâi árvuštâllâm mittomereh já olášuttem .....</b>	<b>6</b>
3.1 Árvuštâllum pirâsvaiguttâsah.....	6
3.2 Árvuštâllâm olášuttem .....	7
3.3 Pirâsvaiguttâsâi árvuštâllâm epivisesvuodâtahheeh .....	7
<b>4. Vaiguttâsâi árvuštâllâm kuávdášliih puátuseh .....</b>	<b>8</b>
4.1 Sosiaalliih vaiguttâsah .....	8
4.2 Ekologâliih vaiguttâsah.....	8
4.3 Kulttuurpirâs- já enâdâhvaigettâsah .....	10
4.4 Ekonomâliih vaiguttâsah já vaiguttâsah luânduriggoduvâi ávhástâlmân .....	11
4.5. Almugijkoskâsiih vaiguttâsah.....	12
4.6 Eres vaiguttâsah.....	12
4.6.1 Inventistem riehtivaiguttâsah.....	12
4.6.2 Vaiguttâsah kaavaamân.....	13
4.6.3 Inventistem vaiguttâsah eres eennâmkevttimân.....	15
<b>5. Muulsâiävtui viärdâdâllâm.....</b>	<b>16</b>
<b>6. Käldeeh.....</b>	<b>18</b>

Labdos 1. Oohtâンkiäsu väldikodálávt merhâšittee arkeologâlij čuosâttuvâi inventistem vaiguttâsâi árvuštâlmist

## 1. Oohtânsiäsu

Museovirgâdâh lii olášuttám väldikodálávt merhâšittee arkeologâlij čuosâttuvâi (“valtakunnallisesti merkittävät arkeologiset kohteet”, VARK) inventistem iivij 2018–2022. Inventistem mittomeerrin lii tubdâđ kulttuurhistorjálávt já tutkâmušlávt merhâšittee uási arkeologâlij kulttuuräärbist, mon siäiludem lii ulmemiäldásâš puoh tiilijn. Inventistmist miäruštâllum čuosâttâhvaljiittâs lii uávildum tuhhiittuđ väldikodâlij kuávlukevttimmittomeerij miäldásâš inventistmin, mii oovded eennâmkevttim vuávám kilelis vuovvijn kuávlloid lahtojejee áárvuid huámmášdijen.

Kulttuurpirâsstrategia olášuttemvuávámist 2014–2020 asâttui mittomeeri, ete “väldikodálávt merhâšittee kulttuurpirâsist lii lemin ohtâlâs já äigitääsist toollâmnâál tiätu, mii luávdâ kulttuurenâduvâid, rahtum pirrâs já arkeologâlij kulttuuräärbî.” Siämmáá vuáváamist páhuduvvoo še, ete “Museovirgâdâh olášut väldikodálávt merhâšittee arkeologâlij kulttuurpirâsij miäruštâllâm ive 2018 rääjist.” VARK-inventistem mittomeerrin lii olášuttiđ taid mittomeerijd.

Taan čielgâdâsâst árvuštâllojeh VARK-inventistem pirâsvaiguttâsah. Árvuštâllâm vuáđuduvá vuáváamij já ohjelmij pirâsvaiguttâsâi árvuštâlmist adelum laavâst (“suunnitelmien ja ohjelmien ympäristövaikutusten arvioinnista annettu laki”, SOVA-laahâ, 200/2005) mainâšum almolii čielgâdemkenigâsvuotân. SOVA-laavâ 3 § mield vuáváamist tâi ohjelmist västideijee virgeomâhâást lii kenigâsvuotâ huolâttiđ tast, ete haavâ pirâsvaiguttâsah čielgâduvvojeh já árvuštâllojeh tuárví valmâstâllâm äägi, jis vuávám tâi ohjelm olášutmist puáhtá kečcâđ leđe merhâšittee pirâsvaiguttâsah.

VARK-inventistmist árvuštâllâm lii olášuttum SOVA-laavâ 3 § vuáđuld, ko inventistmist já ton puátusijn iä lah jiečânâs riehtivaiguttâsah. Jis inventistem tuhhiittuvvoo väldikodâlij kuávlukevttimmittomeerij miäldásâš inventistmin, ton vaiguttâsah almoneh epinjuolgâ väldikodâlij kuávlukevttimmittomeerij peht kaavam já toovlášmuštolâavâ vuáđuld kiedâvuššâmnâál lopeaašij peht.

### 1.1 Arkeologâlâš kulttuurärbi

Arkeologâlâš kulttuurärbi lii Suomâ puárâsumos kulttuurärbi. Toos kullee arkeologâliih čuosâttuvah láá sierâtijppâsiih olmooštoimâm pasâttâsah, moh luávdih äägi tááhust suullâ 11 000 ive áigáduv puárâsumos jienâäägi maajasii aassâm rääjist kidâ 1900-lovo aalgâ čuosâttuvvâid.

Mii rijikâ aassâm ovdâhistorjálijd muddoid lii máhđulâš tutkâđ tuše arkeologâlij čuosâttuvâi peht. Historjâlii äägi asâmist láá eenâb čálâliih käldeeh iäskán majemui vittâcyede ive ääigist. Historjâlii äägi aalgân áigâdum koskâäägi čálâliih käldeeh kiedâvušeh iänááš haldâttâhlijd aašijd, láá siäilum piäđgui já luávdih váldu-uâsist tuše uccâ eennâmtiedâlij uási Suomâst. Historjâlii äägi arkeologâliih čuosâttuvah siskeldeh merhâšittee čälimettum tiäđu, mii ij lah juksâmist já tutkâmist ko tuše tai čuosâttuvâi peht.

Arkeologâlâš kulttuurärbin kočoduvvojeh sehe amnâslíih já amnâsttemes olmooštoimâm luodah mii pirrâsist. Stuárráamus uási arkeologâlijn čuosâttuvâin láá toovlášmuštolâvâin (295/1963) rávhuiduttum fastâ toovlášpasâttâsah, moh láá tovlâá olmooštoimâm šoddâdem enâduvâst tâi eennâmvuáđust leijee luodah, keerdih tâi ráhtuseh. Eres toovlášpasâttâsregisterân vyerkkejum arkeologâliih čuosâttuvah láá iänááš ovtâskâs tävirij kavnâmsajeh, máhđulâš toovlášpasâttâsah já

eres kulttuurärbičuosâttuvah.<sup>1</sup> toovlášpasâttâsregisterist láá ohtsis suullân 61 000 arkeologâlâš čuosâttâhhâd, main suullân 36 000 láá fastâ toovlášpasâttâsah.

Tuávádâh	Miäruštâlmeh
fastâ toovlášpasâttâs	tovláá olmoštoimâm šoddâdem enâduvâst, eennâmvuáđust tâi čääsist leijee toovlášmuštolaavâ (295/1963) rávhuiduttem luodah, keerdih tâi ráhtuseh
kavnâmsaje	täävvir kavnâmsaje, mii ij lohtuu tâi mon iä lah taan räi puáhtám lahteđ fastâ toovlášpasâttâssáid tâi eres arkeologâlâš pasâttâsân.
máhđulâš toovlášpasâttâs	tiäđuidis táhust täärhisthánnáá tâi epičielgâ čuosâttâh; ovdâmerkkân aalmugjesânj almottem čuosâttuvah, maid arkeolog ij lah vala tärhistâm enâduvâst
eres kulttuurärbičuosâttâh	iänááš 1800-lohon já 1900-lovo aalgân áigádum pasâttâsah, moi siäiludem lii agâstâllum tai merhâšume já kulttuurärbiárvui tiet

Veikâ arkeologâlîih čuosâttuvah jurdâčuvvojeh távjá nomâlâsân materiaallii kulttuur jieškote-uvlágán pasâttâssân, uási fastâ toovlášpasâttâsâin oovdâst amnâsttemes kulttuurärbi. Tágáreh čuosâttuvah láá ovdâmerkkân luândusajeh, maid lahtojeh oskomušah tâi páihálâš mainâsärbivyehi (mainâssajeh, uhresajeh, sieidih).

Arkeologâlîih čuosâttuvah láá áinookiärdásiih já rašeh. Ohtii tuššâm čuosâttuv ij pyevti kuássin macâttiđ. Távjá kuáivumijguin tutkum uáinojejee ráhtuseh tegu ovdâmerkkân hävdilađduuh macâttuvvojeh ovdebâš tilasis tutkâmušâi maļa, kuás tutkâmušâst keevâtlávt tuššâm arkeologâlîi ráhtus viggeh macâttiđ tilán, mast ton ohtâvuodâ pirâsteijee enâdâhâń puáhtá šeštiđ.

## 1.2 Pirâsárvuštâllâm olášuttem

SOVA-laavâ (laahâ virgeomâhái vuáváámij já ohjelmij pirâsvaiguttâsâi árvuštâlmist) miäldásii pirâsvaiguttâsâi árvuštâlmâin muneduvvojeh VARK-inventistmist šaddee pirâsvaiguttâsah já puáhtojeh oovdân jieškote-uvlágán taid lahtojejee keččâmkualuh. Siämmást adeleh tiäđu inventistem olášutmist já vijđedih almolii tiäđu arkeologâlîi kulttuurärbi luândust sehe toos lahtojejee ááruuin. Árvuštâllâmnâál vaiguttâsah láá SOVA-laavâ 2 §:st uáivildum pirâsvaiguttâsah ei. ulmuid, siärvusáid já ekonomian.

Pirâsvaiguttâsâi árvuštâllâm vuáváádij uárnejui ráđádâllâm pirâsministeriöin, mast VARK-inventistemhaahâ oovdânpuohtui ministeriö ovdâsteijeid já pirâsárvuštâllâm tehálumos uási olášuttemvuovijdiskuin mannojii čoodâ. Čuákkimist kavnâttui, ete haavâ SOVA-árvuštâllâm lii máhđulâš olášuttiđ SOVA-laavâ 3 § miäldásávt.

Pirâsvaiguttâsâi árvuštâlmist lii västidâm Museovirgâdâh ja tom lii lamaš stivriimin juávkku, mast láá lamaš ovdâstum máttááttâs- já kulttuurministeriö, pirâsministeriö, Meccihaldâttâs, Kieldâlitto, kuávluliih ovdâsvâstâdmuseoh já Suomâ arkeologâlâš servi.

---

<sup>1</sup>toovlášpasâttâsregister eres ko fastâ toovlášpasâttâssân luhhum čuosâttuvah láá meiddei meddâlistum fastâ toovlášpasâttâs (ij rávhuiduttum), luánduhamâšume já eres čuosâttâh.

## 2. VARK-inventistem

### 2.1 Siskaldas, mittomereh ja koskavuotâ eres vuavâamâid

Toovlâšmuštolaavâ (muinaismuistolaki, MML 295/1963) 1 § vuáđuld fastâ toovlâšpasâttâsah láá njuolgist laavâ mield rávhuiduttum. MML oooleest tehálumos arkeologâlii kulttuuräärbi siäilumân vaigutteijee laahâ lii eennâmkevttim- já huksimlaahâ (maankäyttö- ja rakennuslaki, MRL 132/1999), mii váátá toovlâšpasâttâsâi huámášem já tai siäilum turvim eennâmkevttim vuavâamist.

Väldikodálávt merhâšittee arkeologâlij čuosâttuvâi inventistem vuáđuduvá väldikodálâš kuávlukevttimmittomeerijd (MRL 24 §), moh láá eennâmkevttim- já huksimlaavâ miäldásii kuávlukevttim vuavâmvuáháduv uási. Tai vuosâsajasâš ulmen lii visásmittiđ, ete väldikodálávt merhâšittee ääsih huámášuvvojeh kaavaamist já eres eennâmkevttim vuavâamist. VARK-inventistem mittomeerrin lii lamaš olášuttiđ väldikodálâlii inventistem, mii oovdânpnuáhtoo väldikodálâlii kuávlukevttimmittomeerij uávildem virgeomâhâšinventistmin. Inventistem tuhhitmist väldikodálâlii kuávlukevttimmittomeerij miäldásâš inventistmin meerrid statâräädi.

VARK-inventistmist láá miäruštâllum Suomâ merhâšittee arkeologâliih čuosâttuvah eereebl Åland eennâmkode, mon kuávlust tuáimih Åland jiešhaldâšemlaavâ (1144/1991) já eennâmkoddelaavâi mield. Mittomeerrin lii lamaš tubdâđ kulttuurhistorjálávt já tutkâmušlávt mávsulijd arkeologâlijd čuosâttuvâid, moi peht Suomâ sierâ kuávlui ovdánem já eromâš jiešvuođah láá tubdâmist. Mittomeerij miäldásávt VARK-čuosâttuvah hämmejeh áigálávt, kuávlulávt já toovlâšpasâttâstijjpâi iähtun nuuvt luávdee kove mii riijkâ arkeologâlii kulttuuräärbi ko máhđulâš.

Čuosâttuvâi árvuštâlmist láá suogârdâllâm tom, mii lii čuosâttuv arkeologâlâš tâi kulttuurhistorjálâš merhâšume, adai mon pyereest jyehi čuosâttâh čáittâ jiejâs áigáduv almonijd, prosesijd já tábáhtusâid. Árvuštâlmist láá huámâšâm čuosâttuv siäilum tääsi, tutkâmušlii áarvu já potentiaal, čuosâttâhtijjpâ kuávlulii tâi väldikodálâlii táválâšvuođâ já čuosâttuv arkeologâlii maangâmuáđusâšvuođâ. Meiddei čuosâttuv merhâšumán aldapirrâs já enâduv uássin láá piejâm huámâšume.

Merhâšitten miäruštâllum arkeologâliih čuosâttuvah láá ovtâskâs tâi maangâ arkeologâlii čuosâttuvâst hämmejum VARK-kuávluh, moh helppejeh já jođálmitet toovlâšpasâttâsâi suojâlem stivreijee virgeomâhái pargo. Toh láá uávildum stivriđ eennâmkevttim nuuvt, ete VARK-kuávlui já tain leijee arkeologâlij čuosâttuvâi valdâlmijn čaittum väldikodálávt merhâšittee jiešvuođâid já áarvuid puáhtá turviđ já siäiludiđ puáttee suhâpuolváid. Väldikodálávt merhâšittee arkeologâliih čuosâttuvah já VARK-kuávluh, main taah čuosâttuvah láá, pyehtih eennâmkevttim vuavâamâni munedetteevuođâ.

Västideijee väldikodâliih virgeomâhâšinventistmeh láá jo ovdil olášuttum rahtum kulttuurpirrâsijen (rakennetut kulttuuriympäristöt, RKY, iive 2010) já mávsulijen enâdâhkuávluin (VAMA 2021). Inventistmijd kalga huámâšid já tain čaittum áarvui siäilum kalga ovdediđ eennâmkuudij vuavâamist, kieldâi kaavaamist já staatâ virgeomâhái toimâmist. Čielgâdâsâst miäruštâllum kuávluid kalga čäittiđ eennâmkokdekaavain já taid kalga kiedâvuššâđ kuávlukevttim vuavâm vuolgâsaijeen.

VARK-inventistem puátâ ovdâhistorjâlij suojâlemkuávlu-ubâlâšvuođâi čielgâdâs sajan, mon sisäsjuministeriö ráhtiij iive 1983 (*Valtakunnallisesti merkittävät esihistorialiset suojealuekokonaisuudet. Sisäasiainministeriö, kaavoitus- ja rakennusosasto, tiedotuksia 3/1983*).

VARK-inventistem tievâsmit eres kulttuurâárbán lahtojejee väldikodâlijd inventistmijd pyehtimâin toos kečâmkâvlu, mii luávdâ masa 11 000 ihheed Suomâ moonnâmäägist. Arkeologâliih

čuosâttuvah lekkih várdusijd toos, maht já mondiet rahtum kulttuurärbi já kulttuurenâduvah láá kuuloold šoddâm já hamâšum tagarin ko toh láá tääl.

VARK-inventistem vuolgâsaijeen já mittomeerrin lii pyevtittið väldikodálj kuávlukevttimmittomeerij miäldásii väldikodálji inventistem. Sehe Suomâst já almugijkoskâsávt eennâmkevttim pehtilistum lii toohâm velttidmettumin miäruštâllâd arkeologâlji kulttuurärbi tehálijd já eromâšávt siäiludem árvusijd oosijd, moi siäilum turvim kalga väldið vuolgâsaijeen puoh eennâmkevttim vuávámist.

European Archaeological Council (EAC) adai eurooplâš arkeologâlji kulttuurärbi haaldâšmist västideijee organisaatioi räädi lii váldám ohtân njunošhaahâr rähtið čuosâttuvâi áárvudmân lahtojejee ravvuid. VARK-inventistem lii mield haavâst já tast finnejum feerimeh oovdânpúáhtojeh vijdásub eurooplîi árvudempargo uássin.

VARK-inventistem tuárju meiddei Euroop räädi arkeologâlji kulttuurärbi suoijâlmân kyeskee almoossopâmuš (statâsopâmuš 26/1995) olášuttem. Ton mield suáppeeúásipeleh čonnâseh heiviittið oohtân já ovtâstittið arkeologâlijd já eennâmkevttim vuávám táárbuid. VARK-kuávlui tubdâm puáhtá taas munedetteevuodâ já nyebžilmit haavâi vuávám já olášuttem.

## 2.2. Inventistem vuáđustâsah já olášuttem

Väldikodálj kuávlukevttimmittomeerij mield haahâ lii nomâttum inventistmin, mutâ nubenáál ko táválii arkeologâlji inventistmist, pargoost iä lah uuccâm uđđâ arkeologâlijd čuosâttuvâid enâduvâst. VARK-inventistmist láá moonnâm čoodâ já árvudâm jo ovdil tubdum čuosâttuvâid. Pargouáđđun láá kiäyttám Museovirgáduv paijeentoollâm väldikodálji toovlášpasâttâsregister, moos láá vyerkjejum tarbâšliih čuosâttâhkuáhtâsiih tiäduh já árvuštâlmeh čuosâttuv merhâšitteevuodâst agâstâlmijdiskuin.

Museovirgáduvâst haavâ proojeektjuávkku västidij inventistemudo olášutmist ohtsâšpargoost Museovirgáduv Kulttuurpirâspalvâlusah-uásáduvvain já kuávlulij ovdâsvástâdâsmuseoi kulttuurpirâspargoin västideijee arkeologijguin. Meccihaldâttâs arkeologeh uásalistii inventistmân Meccihaldâttâs haldâšem kuávluin leijee čuosâttuvâi uásild.

Inventistempargo já čuosâttuvâi valjimproosees ovdánii ovdâsvástâdâsmuseoi toimâkuávlui mield. Toimâkuávluh västideh eennâmkuudijd eereebl Uusimaast já Laapist, kost ovdâsvástâdâs lii juohhum maanjâ ovdâsvástâdâsmuseo kooskâst.

Vuáđustâs	Čuosâttâhmeeri	Čielgiittâs
Toovlášpasâttâsregister rávhuiduttemluokka 1	suullân 3700	luokattâllâm kevttimist luoppii ive 2014 Museovirgâdâh 2001
<i>Maiseman muisti – valtakunnallisesti merkittäväät muinaisjäännökset</i> -almostittem čuosâttuvah	351	
Haag almoossopâmuš miäldásii aalmuglât merhâšittee kultturomâduv luvâttâllâm čuosâttuvah	134	HAAG – 2013, Luvâttâllâm lii ain valmâštâlmist.
UNESCO maailmärbičuosâttuvah	4	-
Eennâmkoddekaavaid merkkejum eennâmkodálâvt mávsuliih čuosâttuvah	suullân 600	-

Haavâ aalgâst toovlášpasâttâsregister čuosâttuvâin čoggui vuáđuamnâstâh, mon hämmejii

oovdeb čuosâttuvâi árvudum amnâstuvah: toovlášpasâttâsregister rávhuiduttemluoka 1 čuosâttuvah (luokattâllâm kevtimist luoppii ive 2014), *Maiseman muisti – valtakunnallisesti merkittäväät muinaisjäännökset* -almostittem čuosâttuvah (Museovirgâdâh 2001), Haag almoossopâmuš miäldásii aalmuglâvt merhâšittee kultturomâduv luvâttâllâm čuosâttuvah, Unesco maailmärbičuosâttuvah já eennâmkoddekaavaid merkkejum eennâmkodálávt mávsulih čuosâttuvah.

Maangah čuosâttuvah láá mield maangâ vuáduamnâstuvâst. Puohnâssân inventistem sillejum vuáduamnâstâh lii siskeldâm 4024 fastâ toovlášpasâttâssâd. Taat västid 11 % (n = 35299, 24.1.2022) puoh toovlášpasâttâsregister fastâ toovlášpasâttâsâin. Vuáduamnâstuvâi lasseen árvudemprosesist mield lamaš čuosâttuvâin 13 % (n = 759) váldojii mield valmâštâllâmmuddoost äššitobdeiguin tollum savâstâlmij já ávhâstâllum tuáváášamnâstuvâi vuáđuld. Ubâlávt haavâ árvudemprosesist lijjii mield 14 % (n = 4783) puoh registeristum fastâ toovlášpasâttâsâin. Árvudempaargon uásalistii paigeel 50 sierâ ornijdume ovdâsteijee arkeolog.

### **2.3 Inventistem puátuseh uánihávt**

Inventistem puáđusin miäruštâllojii 1011 VARK-kuávlud, main láá ohtsis 1392 VARK-čuosâttâhhâd. Čuosâttuvah äigiduvvojeh jienâäigi maŋasii pioneeraassâm äägist (9000–8000 oää. rääjist) 1900-lovo aalgân (mää.). Mield leijee arkeologâliih čuosâttuvah láá váldu-uâsist toovlášmuštolavván (MML 295/1963) rávhuiduttum fastâ toovlášpasâttâsah. Mield láá tai lasseen nelji eres arkeologâlii kulttuurärbičuosâttuv, moh iä lah rávhuiduttum MML:in nuorâ avvees tiet.

Inventistmist miäruštâllum VARK-čuosâttuvah ovdâsteh 2,3 % puoh toovlášpasâttâsregisterârnyerkkejum arkeologâlijen čuosâttuvâin.

VARK-kuávluh	1011 pt:d
VARK-čuosâttuvah	1392 pt:d
VARK-kuávlui oohtâñrekinistum	8214 ha
vijđodâh	
VARK-kuávlui vijđodâh, koskâárvu	8,13 ha
VARK-kuávlui vijđodâh, mediaan	1,14 ha
VARK-kuávlui vijđodâh,	0,002–2334 ha
mulsâšuddâmkoskâ	

Tavlustâh: VARK-kuávlui vuáđutiäđuh já tubdâldâhlovoh.

VARK-kuávluh	pt:d	%	Arkeologâliih čuosâttuvah, pt:d
Toovlášpasâttâsregister miäldásâš VARK-kuávlu	958	95 %	1236
ohtâ arkeologâlâš čuosâttâh	843	-	-
maangâ arkeologâlii čuosâttuv	115	-	-
Toovlášpasâttâsregisterist spiekâsteijee VARK-kuávlu	53	5 %	156
ohtâ arkeologâlâš čuosâttâh	28	-	-
maangâ arkeologâlii čuosâttuv	25	-	-
ohtsis	1011	100 %	1392

Miäruštâllum VARK-kuávluh västideh iänááš tain lejhee fastâ toovlášpasâttâsâi kuávlurajimijd. 24 VARK-kuávlud, main láá 24 arkeologâlii čuosâttâhhâd, láá miäruštâllum toovlášmuštolaavâ rávhuiduttem fastâ toovlášpasâttâs kuávlu ucebin. 24 VARK-kuávlud, main láá 132 čuosâttâhhâd, láá miäruštâllum toovlášmuštolaavâ rávhuiduttem fastâ toovlášpasâttâs kuávlu vijđásubboon. Maajeeb VARK-kuávluin lii koččamuš maanjâ paldâlâs VARK-čuosâttuvâst hamâšuvvee ubâlâšvuodâst tâi ovtâskâs VARK-čuosâttuvâst, moi tábáhtusâst ubâlâšvuodâ tâi ovtâskâs čuosâttuv áárvui turvim váátá arkeologâlii čuosâttuv vijđásub njuolgâ aldapirrâs huámášem.

### **3. Vaiguttâsâi árvuštâllâm mittomereh já olášuttem**

#### **3.1 Árvuštâllum pirâsvaiguttâsah**

Pirâsvaiguttâsâi árvuštâllâm mittomeerrin lii čielgâdič tom, láá-uv VARK-inventistem olášutmist pirâsvaiguttâsah já jis toh tobdojeh te tom, mon merhâšittee taah vaiguttâsah láá. Vuolgâsaijeen lii lamaš analyys tast, maht tááláš tile (muulsâlähtu 0) šadda nubástud inventistem olášuudijin (muulsâlähtu 1).

VARK-kuávluin láá mield ohtsis 1392 arkeologâlii čuosâttâhhâd. Tain 1388 láá toovlášmuštolaavâ uáivildem já rávhuiduttem fastâ toovlášpasâttâsah. Tain čuosâttuvâin láá noonâ riävtálâš sajadâh jo väldikodálij kuávlukevttimmittomeerij mieldis pyehtim eromâš sajaduvttáá. Toovlášmuštolaavâ rávhuiduttem čuosâttuvâi lasseen VARK-inventistem čuosâttuvâin láá mield nelji väldikodálávt merhâšuumees tááhust mávsulâžžân miäruštâllum eres arkeologâlii kulttuurärbičuosâttuv, moh iä lah toovlášmuštolaavâ rávhuiduttem nuorâ avvees tiet. Tain čuosâttuvâin kyehti láá čäǟsivuálásiih vuáijum kärbisčuosâttuvah, ohtâ čiđđápâldimkuávlu já ohtâ vyevdikuáđutmân lahtojejee maanjâ šiiveetaaidj hammim keđgiráhtusubâlâšvuodâ.

Uásán VARK-kuávluid lii miäruštâllum toovlášmuštolaavâin rávhuiduttum toovlášpasâttâskuávlu vijđásub kuávlurajim. Tágáreh VARK-kuávluh láá ohtsis 29 já tain láá 132 arkeologâlii čuosâttâhhâd. Tain vijđásub kuávlurajimeh ovtâstiteh táválávt maanjâ paldâlâs siämmâš ubâlâšvuotân kullee arkeologâlii čuosâttuv, kuás čuosâttuvâi toovlášpasâttâskuávlui kooskân páccee kuávlu siäilum čaavdesin lii merhâšittee oles VARK-kuávlu áárvu siäilumân. Ovdil valdâlim nelji arkeologâlii kulttuurärbičuosâttuvâst já 25 toovlášmuštolaavâ rávhuiduttem kuávlu vijđásub VARK-kuávlust šaddeh leđe tááláá tile iähtun uđđâ eennämkevttimân lahtojejee raijiittâsah. Tain pyehtih leđe meiddei ekonomâliih vaiguttâsah. Nube tááhust VARK-kuávluh pyehtih siämmâst lääčcič uđđâ máhđulâšvuodâid eereebs iärrás virkosmittemkiävtun. Vaiguttâsah láá kuittâg čuosâttuvâi uccevuodâ tiet uech.

			VARK-kuávluh, pt:d	Arkeologâliih čuosâttuvah, pt:d
Toovlášpasâttâskuávlu räijejum VARK-kuávlu	iähtun	käržibeht	24	24
Toovlášpasâttâskuávlu räijejum VARK-kuávlu	iähtun	vijđásubbooh	29	132

SOVA-laavâ pirâsvaiguttâstuávâdâh lii vijđes já tot luávdá ärbivuáválávt äddejum pirâsvaiguttâsâi lasseen meiddei maanjâid eres eellimoosijd lahtojejee vaiguttâsâid. Laavâ mield pirâsvaiguttâsah pyehtih čuoccâđ tiervâsvuotân, eellimiiliid, makkumvuotân, aalmugân já amnâslâš omâdâhâń. Vaiguttâsah pyehtih leđe njuolgâdeh tâi epinjuolgâdeh, já toh pyehtih leđe siämmâá ääigi sehe

positiivliih (äävhiih) já negativliih (hááituh). Lasseen vaiguttâsah pyehtih leđe háputtâllum tâi háputtâlmettumeh.

Väldikodálávt merhâsittee arkeologâlij čuosâttuvâi inventistem njuolgâ já epinjuolgâ vaiguttâsah pirrâsân láá árvuštâllum koskâvuodâst:

1. Ulmu tiervâsvuotân, eellimtiiliid já makkumuotân
2. Eennâmvuáđun, čassijd, ááimun, šorjâdâhâan, šadolâšvuotân iälánáid já luándu maanĝâmuáđusâšvuotân.
3. Siärvâdâhráhtusân, rahtum pirrâsân, enâdâhâan, kaavpugkován já kulttuuráarbán
4. Luânduriggoduvâi ávhâstâlmân

Vaiguttâs lii árvuštâllum lasseen mainâšum tahhei koskâsij vuáruvaiguttâskoskâvuodâin já tai ovtâstilmijن šaddee nuuvt kočodum čoggâšuvvee vaiguttâssáid (SOVA-asâttâs 4 § uási 6). Vaiguttâsah láá árvuštâllum koskâvuodâst toos, olášuttoo-uv inventistem (muulsâiähtu 1) vâi kuođđuuččij-uv tot olášuthánnáá (muulsâiähtu 0).

### **3.2 Árvuštâllâm olášuttem**

Pirâsvaiguttâsâi árvuštâllâm vuáđuduvá lejhee tile tarkkuustâlmân já árvuštâlmân tast, maht VARK-kuávlui huámášem šadda puátteevuodâst vaiguttid tai pirrâsân. VARK-inventistem pirâsvaiguttâsâi árvuštâlmist láá čuávvum pyeri muudon siämmáá maali, mii lii kevttum VAMA 2021 -inventistmist. Taat čuávdus väljejui, vâi toh ličcií koskânis viärdâdâlmist. Vaiguttâsâi árvuštâllâm čuákkejui kiđđuv 2022, mutâ tot lii tohhum čuosâttuvâi valjiidijn kuuloold oles haavâ ääigi já eromâšávt ton muddoost, ko čuosâttuvâi sajepirrâsijd já kaavamtile láá tarkkuustâllum. Vaiguttâsâi árvuštâllâm lii olášuttám Museovirágáduv VARK-pargojuávkku. SOVA-čielgiittâs šaddeh tievâsmittiid haavâ loopâst, ko kuullâm lii olášuttum já ton máhđuliih vaiguttâsah čuosâttâhvaljiittâsân láá olášuttum.

VARK-inventistem árvuštâlmist vaiguttâsah láá árvuštâllâm kvalitatiivlávt. Árvuštâllâm puátuseh láá raportistum tavlustâhhäämist mast sierâ vaiguttâsâid láá čuákkejum juávhoid toimâsuorgij mield. Vaiguttâs sunde já stuáruduv valdâleh tavlustuvâst viidâ portháá kvaliteetciikkâdâhárvuštâlmâin (++, +, 0, -, --), mii tievâsmittoo uánihis sánálijn valdâlmâin. Tai lasseen árvuštâllum inventistem pyevtittem pirâsvaiguttâsâin lii rahtum vijđásu sub sánálâš valdâlem toimâsuorgij mield. Árvuštâlmist neutraal 0 adeluvvoo tiileest, mast nubâstusah tááláá tile iähtun iä lah vyerdimist. Negativlâžžân árvuštâllum nubâstusah almottuvvojeh miinusmerháin (-) já positiivliih nubâstusah plus-merháin (+). Ohtâ merkkâ valdâl uccâ nubâstus já kyehti meerhâ valdâleh merhâsittee nubâstus.

Árvuštâllâmnáál pirrâs uásikuávluh láá viärdâdâldijn valjeeht já árvuštâllâm vuáđun láá analysistám VARK-kuávlui sajepirrâseh pirâstijipâi mield. Tiätukälden VARK-kuávlui uásild láá válduášálávt kevttum Museovirágáduv pajeentoollâm toovlášpasâttâsregister já Museokáártá kárttáamnâstuvah (enâdâhkáártáh, áimukoveh, vinjočuovâsuoivânistum laserkeilâmân vuáđuduvvee alodâhmaalih).

### **3.3 Pirâsvaiguttâsâi árvuštâllâm epivisesvuodâtahheeh**

VARK-kuávlui stuorrâ lohomeeri, uccâ vijđoduvah já sajadum sierâlágán pirrâsij piäđgui pirrâ Suomâ vâdâsmiteh čuosâttâhkuáhtâsii árvuštâllâm toohâm. Keevâtlávt pirâsvaiguttâsâi árvuštâllâm tahhoo almolii tääsist.

Ovtâskâs VARK-kuávlui vaiguttâs jieijâs pirrâsân lii uáli ucce. Lasseen váldu-uási VARK-kuávluin (97,6 %) lii jo toovlášmuštolaavâ syeji, nuuvt ete arkeologâlij čuosâttuv árvudem VARK-čuosâttâhâan ij keevâtlávt toovvât uđđâ pirâsvaiguttâsâid ko tuše tain tábáhtusâin, main

čuosâttâhân tâi čuosâttuvváid miäruštâllum VARK-kuálu lii toovlášmuštolaavâ rávhuiduttem kuálu vijðásub.

Ko pirâsvaiguttâsâi árvuštâllâm lii oláshuttum kvaliteetciäkkâduvván, puátusijd ij lah máhđulâš árvuštâllâm nummeerávt já vaiguttâsâi árvuštâllâm páácá mottoom verd epitärkkin. Älkkeemus árvuštâllâm lii lamaš tast, ko VARK-kuávlui vaiguttâsâh lejhee tile iähtun láá monnum čoodâ tai kuávlui uásild, main VARK-kuálu lii jo ubâlâžžân toovlášmuštolaavâ rávhuiduttem kuávlust (97,1 % VARK-kuávlui, 90,5 % VARK-čuosâttuvván). Tai miäruštâllâm VARK-kuávlun ij toovvât sajan uđđâ vaiguttâsâid, ko toh láá jo ovdil toovlášmuštolaavván rávhuiduttum já eennâmkevttim tai kuávlust lii jo räijejum. Meiddei njuolgâ já koskâttes vaiguttâsah luândupirrásân iä lah, ko čuosâttuv huámášem VARK-inventistmist ij toovvât tohon maiden nubástusâid. Kuhes äigikooskâst VARK-status puáhtá išediđ siäiludiđ meiddei kuávlust máhđulávt lejhee luánduáárvuid.

## **4. Vaiguttâsâi árvuštâllâm kuávdášliih puátuseh**

Eres väldikodálij kuávlukevttimmittomeerij kulttuurpirâsinventistmij čuosâttuvvâi iähtun VARK-kuávluh láá stuáruduv peebleest uceh já láá jo toovlášmuštolaavván suojâlum kuávlui eereeb muáddi spiekâstuv. Taan tiet haavâ páiháliih čuosâttâhkuáhtâsâih vaiguttâsah iä lah merhâshitteh já pirâsvaiguttâsâi árvuštâllâm lii tohhum haavâ ubâlâžžâvaiguttâsâi tarkkuustâldij.

### **4.1 Sosiaalliih vaiguttâsah**

VARK-inventistem sosiaalliih vaiguttâsah lahtojeh vuosâsaajeest väldikodálávt merhâšitten árvuštâllum čuosâttuvvâi sajekuávlloid pyehtim laseáárvun. Perustume taid kuávlloid tuođânlásávt lassaan já tobbeen ässee ulmui áárvustanneem jieijâs pirrás kuáttâ stuáru. Tiäđulâšvuotâ kuálu toovlášvuodâst lasseet meiddei ulmui čonnâsem jieijâs pirrásân já ton kilelis kevttimâ.

Kulttuurärbi kiäččoo ubâlohan ovdediđ olesváldálávt ulmu pyereestvaijeem já tiervâsvuodâ. Stuárráamus uási VARK-čuosâttuvván láá luândupirrásist já tuše kuttâ prooseent tain láá čuákkipaaihijn. Luândust jotteem toovvât ulmuin positiivlijd tubdâmušâid. Saje historjálâš já ovdâhistorjálâš ooláádmuddo puáhtá feerimlii lase, mast toovlášvuotâ puátá alda tááláá ulmuu já lahta suu saje oovdeb tábáhtusâi kuállus uássin.

Toovlášpasâttâsâi tipšomtoorjâ máhđulist maangâmuáđusii siärvuslâšvuodâ já tiäđu lasetteijee toimâm, mii siämmâst tiivood pirrás tile. Torjuu pyehtih uuuccâđ ovdâmerkkâñ kyláseervih, škoovlah já jieškote-uvlágán riggeeh. Torjuu uážžu čuosâttuv siäilum já tubdâm ovdedeijee enâđâhtipšomâ já čuosâttuvvâi merkkiimâ. Siärvuslâš naavcâi piejâm čuosâttuvváid stuárud kuávlulii identiteet já lasseet čuosâttuvvâi suoijâlmâń čonnâsem.


Negativlijn sosiaallijen vaiguttâsâin čielgâsumosávt miäruštâlmist láá máhđulij kuállejejiei lasanem čuosâttuvván, main lii eromâš merhâšume pirrás ässeid. Tágáreh láá eereeb iärrás sämmiliig päikkikuálu čuosâttuvah, moh láá merhâshitteh sehe toovlášpasâttâssân já siärvusij jieijâs kulttuur siäiludeijee saiween. Tágárijn čuosâttuvván kollim váátâ kunnijâttee lattim, ijge taid lah vuovâs tuálvuđ turistijd.

### **4.2 Ekologâliih vaiguttâsah**

VARK-inventistem uđđâ ekologâliih vaiguttâsah láá uceh, mutâ váldu-uásist positiivliih. VARK-čuosâttuvah láá (eereeb neelji čuosâttuv) jo toovlášmuštolaavâ rávhuiduttem, nuuvt ete tai uásild

inventistem ij toovvât uđđâ vaiguttâsâid luándutiilijd. Toovlášmuštolaavâ rávhuiduttem čuosâttuvâin puohlágán eennâm tussejejee tâi mudoi čuosâttuv pilledejee toimâm lii jo kieldum.

VARK-inventistem sáttá vaiguttiđ ekologâlijd tiilijd tobbeen, kost VARK-kuávlu lii miäruštâllum vijđásubbon ko toovlášmuštolaavâ rávhuiduttem kuávlu (29 VARK-kuávlud, main ohtsis 132 VARK-čuosâttâhhâd). Tain VARK-kuávluin kulttuurhistorjálávt ohtâlás já topografisávt luándulii ubâlâšvuotân láá valdum mield toovlášmuštočuosâttuvâi kooskah já tot koskâttes piirâs, mon siäilum lii kečcum tarbâslâžžân čuosâttuv áárvui siäiludmân.



Kárttá. VARK-čuosâttuvâi sajadâh eres VAT-investistmij kuávluin, luándusuojâlemkuávluin já ärbivyehibiotoopkuávluin. Tuávááškárttá © Eennâmmitedemlajádâs 2022.

Uási iäláttâssáid já amnâsjij hahâmân lahtojejee VARK-kuávluin láá vaiguttâm uánihis tâi kuhes äigipaijeen nanosávt pirâstejee luándun já ton ekosysteemaid (ovdâmerkkân miloh já puáтурáhtuseh, kuáivuttuvah já laigottuvah, čiđđâpuáldimkuávluh). Maŋgâ Maadâ- já Maadâviestâr-Suomâ ärbivyehibiotoopkuávli tubdâldâhlágán koškejolgádâsslaajáid kullee šadoh láá levânâm

tohon jo ryevdipaje aalgâst, ko eennâmtuálu já šiiveettuálu fallii tai leevvânmân vuovâs šoddâmsoojijd. Návt ryevdipaje aalgâst äigilovo vuossâmui čyeti-iivij kuáttumij jolgin mield levânâm ulmu siärválâšslaajah láá siäilum tain soojijn masa kyehttuhháát ive ärbivuáválii eennâmtuálu vaiguttâsâst. Tääl stuárráamus uási tain šaddoduvâin ij ceevzi meritiäđulii pajentoollâmttâá.

VARK-čuosâttuvâin váhá pajeeel čyeđe adai 9 % láá kuávlust, mii lii luokattâllum ärbivyehibitooppin. Taat naanood kuohtui árvučuosâttuvâi siäilumiävtuid. Ärbivyehibitoopijen ij ohtuu lah laavâ suoijim rávhuiduttem, jis toh iä lah suojâlum sierâ luândusuojâlemblaavâ (1096/1996) vuáđuld. Siämmáá kuávlust leijee VARK-čuosâttâhhâń väljejum toovlášpasâttâs syeijee já siäilud siämmást meiddei ärbivyehibitoop válduášálii eennâmkevttim.

Siämmáin kuávluin leijee ärbivyehibitoopeh já VARK-kuávluh lasetteh tipšomân uážžumnáál torjuu máhđulâšvuodâid. Ärbivyehibitoopij tipšomân lii máhđulâš uážžuđ eennâmtuálu eromâštorjuu já toovlášpasâttâs tipšomân lii lemin jiejjâs toorjâvuáhâdâh. Tain tábáhtusâin, main ärbivyehibitoop já uási ton šlaajâin láá ovdánâm jo ryevdipaje ääigi, tipšum ärbivyehibitoop puáhtá uáiniđ já feeriđ arkeologâlii kulttuuräärbi ellee uássin. VARK-kuávlu lasseet ton sajekuávlu máhđulâšvuodâid siäiluđ nuuvt autentlâžžâń ko máhđulâš.

VARK-kuávluh pyehtih tovâttiđ negativlijd vaiguttâsâid ekologâlâš tiiliđ tagarijn tábáhtusâin, main luándutipšom tááhust hiäivulijd tooimâid ij lah máhđulâš olášuttiđ toovlášpasâttâskuávlust. Tágáreh tooimah láá vyevdipuáldimeh, jaljai pajedem tâi eennâmpajaldâs kahheem cuovhâs eennâmvuáđu siemâpaanđkin vuorkkum šlaajâi iäláskittem várás.

<b>VARK-čuosâttuvah eres suojâlemkuávluin</b>	čuosâttâhmeeri, pt:d	% VARK-kuávluin
RKY	321	23 %
VAMA2021	321	23 %
RKY já VAMA2021	127	9 %
Natura	178	13 %
Luândusuojâlemkuávlu	165	12 %
<b>Ärbivyehibitoop (Meccihaldâttâs)</b>	<b>120</b>	<b>9 %</b>

#### 4.3 Kulttuurpirâs- já enâdâhvaigettâsah

VARK-kuávlui stuárráamuuh uđđâ vaiguttâsah kulttuurpirâsân šaddeh kaavam peht, ko VARK-kuávlui huámásem já tai áárvui siäiludem puátá leđe kuávluvuávám vuolgâsaijeen. Návt kulttuurpirâs puátih huámášid kaavaamist pyerebeht ko ovdil. Stuárráamuu uásist VARK-čuosâttuvâin lii vaiguttâs meiddei taid pirâsteijee enâdâhâń, eromâšávt talle, jis čuosâttuvah láá kuávdášliih enâduv elementeh. Tain tábáhtusâin VARK-kuávlu já enâduv ohtâvuodâ lii máhđulâš pajentoollâđ oovdedmâin enâduv siäilludeijee tooimâid já raijiimâin VARK-kuávlu enâdâhelement hiäjudeijee tooimâid.

VARK-kuávluin suullâń niälijâdâs láá RKY-kuávluin já siämmáá ennuv VAMA 2021 -kuávluin. 127 VARK-čuosâttâhhâń (9 % VARK-čuosâttuvâin) láá kuávluin, moh láá árvuštâllum puoh kulttuurpirâs väldikodálijn inventistmijń áárvus tááhust merhâšitten. Arkeologâlii kulttuuräärbi áárvuh stuárudeh tai kuávlui merhâšume. VARK-kuávluh pyehtih oovdân tááláá kulttuurpirâs távjá ovdâhistorjálâš ááigán ollee ruottâsijd, já čäittih konkreetlávt kuávlui merhâšume já enâduv hamâšumhistorjá kuhes äigikooskâ.

Kuávloid, main rahtum kulttuurpirrásân, enâdâhâń já arkeologálâš kulttuuráárbán lahtojejee väldikodálíih áárvuh ovtâstuveh, kannat čuosâttiđ tipšom ovdedejee toorjâtooimâid já ruttâdem. Tipšomtooimâin kalga kuittâg huámášid jyehi árvukuávlu eromâš jiešvuodâid nuuvt, ete toh iä torvottuu.


VARK-inventistem puátá väldikodálíj kuávlukevtimmittomeerij miäldásâš inventistmin lasettiđ almolii perustume já tiäđulâšvuodâ arkeologálîi kulttuuräärbi kuáttâ. Viestâdmáin, tieđeetmáin já inventistem puatusij kuullâmprosesist lii täst merhâšittee rooli. Arkeologálîj čuosâttuvâi vijdásub tubdâmuš já iberdem mield meiddei almolávt kulttuuräärbi siäilumân positiivliih uáinuh puátih nanosmuđ.

#### 4.4 Ekonomâliih vaiguttâsah já vaiguttâsah luânduriggoduvâi ávhástâlmân

VARK-kuávlui vaiguttâsah ekonomian láá koskâvuodâlávt uceh toi koskâmiärálávt uccâ stuáruduv tiet. Tai vijđoduvâi koskâárvu lii 8,13 hehtaarid já mediaan lii

1,14 hehtaar. Vlijásumos VARK-kuávluh láá Kotka Ruotsinsalmi taistâlemkuávlu (Ruotsinsalmi VARK-kuávlu, vijđodâh 2333,80 ha, mast váldu-uási lii čäcikuávlu) sehe Hakoisij lannevääri kuávlu pirrâsijnis (Hakoisij VARK-kuávlu, vijđodâh 221 ha).


Váldu-uási VARK-kuávluin láá sierâtijppâsijin vuávdáás pirrâsijin. toovlášpasâttâsah iä ohtuu eesti ovdâmerkkân vyevdičuoppâmijd, mutâ tain ij pyevti kevttiđ eennâm tussejejee vyevdiudâsmittem vuovijd (hankmoin porgâm, avram, tiälhudem). Taat vuáđuduvá toovlášmuštolaahâń, nuuvt ete VARK-kuávluh iä stuárráámuu uásist tábáhtusâin toovvât uđđâ raijiittâsâid. Spiekâstâhhâń täst láá toh VARK-kuávluh, maid lahtojejee áárvuin lii mainâšum sierâ, ete piirâs tuárju čuosâttuv addim. Árvuštâlmeh čuoppâmijin tâi eres tooimâin tahhojeh kuittâg tábáhtus mield jyehi VARK-kuávlu eromâš jiešvuodâid huámmášdijin.



VARK-čuosâttuvâin suullân kuttâ prooseent láá kaavpug- tâi čuákkipäikkikuávluin. Kaavpugkuávluin VARK-kuávlu sáttá tovâttiđ stuárrâb koloid ko táválâš eereeb iärrás kaavaamân lahtojejee čielgâdâsâi já tutkâmušâi ohtâvuodâst. Tain kuávluin toovlášpasâttâsân máhđulistum tussejejee tooimah sättih vaattâđ tutkâmušâi uásild ovdâmerkkân távâlii täärhib dokumentistem tâi távâliist spiekâstejee tooimâid kuávlust leijee arkeologálîj ráhtusij siäiludmân.

VARK-čuosâttuvah pyehtih lasettiđ mađhâšemperustume, mast láá positiivliih vaiguttâsah ekonomian. Taan puáhtá uáiniđ lasettiđ kuávlui koskâsii täsiáárvu, ko maanjah VARK-čuosâttuvâin

Iáá ekonomâlávt mudoi ucceeb aktiivlijn kuávluin. Ko toovlášpasâttâsâi tipšomtoorjâ já máhđuliih táálunkuávlu eromâšpirâstorjuuh sundâšuveh taid kuávlloid, tain pyehtih leđe vaiguttâsah eennâmtáálu- já uccâirâttâsâi ekonomian.



Kárttá. VARK-čuosâttuvâi sajepirrâseh. Tuávááškárttá © Eennâmmitedemlájádâs 2022.

#### 4.5. Almugijkoskâsiih vaiguttâsah

VARK-inventistmist iä árvuštâl leđe merhâšittee staatâi raajijd rasteldittee vaiguttâsah.

#### 4.6 Eres vaiguttâsah

##### 4.6.1 Inventistem riehtivaiguttâsah

VARK-inventistmist árvuštâllâm lii olášuttum SOVA-laavâ 3 § vuáđuld. Olášuttemvyehičuávdus vuáđuduvá toos, ete inventistmist já ton puátusist iä lah jiečânâs riehtivaiguttâsah. Jis inventistem tuhhiittuvvoo väldikodálij kuávlukevttimmittomeerij miäldásâš inventistmin, ton vaiguttâsah puátih

almonið epinjuolgâ väldikodálij kuávlukevttimmittomeerij peht kaavam já toovlášmuštolaavâ vuáđuld kiedâvuššâmnáál lopeaašíj peht. Taan keežild láá keččám tarbâšlâžžân hammiistâllâđ meiddei tom, maht VARK-kuávlui väldikodálâš merhâšume spejâlistuvvo kaavaamân já eres eennâmkevttim vuáváámân já ton peht epinjuolgâ meiddei ekonomian, sosiaallâš pyereestvajemân já luándu- sehe kulttuurpirrásân.

#### 4.6.2 Vaiguttâsah kaavaamân

VARK-čuosâttuvâi riävtálâš sajadâh vuáđuduvá vuoigâdvuođálâš kuávlukevttimmittomeerijd já toi riehtivaiguttâssáid. Tain asâttuvvoo eennâmkevttim- já huksimlaavâst (maankäyttö- ja rakennuslaki, MRL 132/1999). MRL 24 § 1 moomeent mield staatâ virgeomâhâáh kalgeh toimânis huámášid väldikodálijd kuávlukevttimmittomeerijd já ovdediđ tai olášuttem. Lasseen kalga árvuštâllâđ tai olášuttem já tooimâi vaiguttâsâid kuávluráhtus já kuávlukevttim tááhust.

MRL 24 § 2 moomeent mield eennâmkode vuáváámist já eres kuávlui kevttim vuáváámist kalga huolâttiđ väldikodálij kuávlukevttimmittomeerij huámmášmist nuuvt, ete tai olášuttem ovdeduvvoo. Väldikodáliih kuávlukevttimmittomereh konkretisistuveh iänááš kaavam ohtâvuodâast. Puoh kaavataasijn lii tehálâš huolâttiđ tast, ete tohhum čuávduseh iä lah ruossâlâš väldikodálâvt merhâšittee arkeologâlij čuosâttuvâi jiešluándoín já eromâš jiešvuodâiguin. Eennâmcoddekaavaamist lii täst kuávdâšlâš rooli. Eennâmkuudij vuáváámist väldikodáliih kuávlukevttimmittomereh tärkkilistojeh ain eennâmcodálâš kuávlukevttim čuávdusin já toh heiviittuvvojeh oohtân eennâmcodálijn já páihálijn mittomerijguin.

Eennâmcoddekaavaamist lii ulmemiäldásâš čäittiđ VARK-kuávluid tagarin. Taid kalga kiedâvuššâđ meiddei eennâmcoddekaava virgeomâhâšráđâlmijn. Máhđulij VARK-kuávlui raijimáid iävtuttum spiekâstmijn kaavam ohtâvuodâast kalga ain ráđadâllâđ sehe kuávlulij ovđâsvâstâdmuseoiguin já Museovirgáduvâin. Keevâtlávt ráđadâlmeh iävtuttum spiekâstmijn VARK-kuávlloid kyeskîh tuše taid tábáhtussáid, main VARK-kuávlu lii vijđásub ko toovlášpasâttâsregisterist čaittum raijim. Tain tábáhtusâin nubástusah árvuštâllojeh jyehi kaava uásild tábáhtus mield. Almos- tâi sajattâhkaavai puotâ ráđadâllâm ij tarbâšuu, jis kavnâttuvvoo, ete kaavast čaittum čuávduseh iä vâdâsmít väldikodálij kuávlukevttimmittomeerij olášuttem.

*Kulttuuriympäristö yhteisenä voimavarana Kulttuuriympäristöstrategian toimeenpanosuunnitelma 2014–2020* -almostitmist ivveest 2015 ohtân mittomeerrin lii kavnâttum, ete väldikodálâvt merhâšittee kulttuurpirrásijn kalga leđe ohtâlâš já äigitääsist toollâmnáál tiätu, mii luávdâ kulttuurenâduv, rahtum kulttuurpirrâs já arkeologâlii kulttuuräärbi. VARK-inventistem olášut taam mittomere arkeologâlii kulttuuräärbi uásild já helpee návt puátteevuođâst virgeomâhái toimâm.

Eennâmkevttim- já huksimlaavâ 24§:st kavnâttuvvoo, ete

*Staatâ virgeomâhâáh kalgeh toimânstis huámášid väldikodálijd kuávlukevttimmittomeerijd, ovdediđ tai olášuttem já árvuštâllâđ toimâidis vaiguttâsâid kuávluráhtus já kuávlui kevttim tááhust.*

*Eennâmkode vuáváámist já eres kuávlui kevttim vuáváámist kalga huolâttiđ väldikodálij kuávlukevttimmittomeerij huámmášmist nuuvt, ete tai olášuttem ovdeduvvoo.*

Ain siämmáá laavâ 32§ mield

*Virgeomâhâáh kalgeh kuávlui kevttimâm kyeskee tooimâid vuáváádjnis já tai olášutmist meerriddijnis huámášid eennâmcoddekaava, viggâđ ovdediđ kaava olášuttem já keččâđ, ete toimâiguin iä vâdâsmít kaava olášuttem.*

VARK-inventistem ohtâvuodâst láá čielgâdâm čuosâttuvâi huámášem kaavain já sajaduv sierâ kaavataasij kuávlust väldikodáljij päikkitiätuamnâstuvâi iššijn. 204 VARK-čuosâttâhhâd láá sajattâhkaavajum kuávlust. Tai uásild ij kale lah lamaš máhđulâš čielgâdiđ tom, kale čuosâttuv láá merkkejum sajattâhkaavan.

Čuosâttuvâin 869 (63 %) láá almoskaavakuávlust já tai merkkim almoskaavaid láá karttim tärhibeht. Almoskaavakuávlust leijee VARK-čuosâttuvâin 549 láá merkkejum kaavaid. Toovlášmuštokuávlu valdâleijee SM-merkkim lii tuše 183 čuosâttuv saje puotâ. Táválumosávt toovlášpasâttâskuávlu kevttimulmen láá kuittâg čujottâm monnii eres tooimâ tegu:


- 187 čuosâttâhhâd láá kuávlust, mon váldukevttimulme lahtoo eennâm- já vyevdituálun
- 46 čuosâttâhhâd láá kuávlust, mii lii rávhuiduttum mainnii eres lavváin

Ko toovlášmuštolaahâ máhđulist kuávlu haldâšeijee eennâmkevttim, taan uásild eennâm- já vyevdituálukuávluin leijee čuosâttuvváid iä čuosâ njuolgâ vaigutâtâsah. Kuávlui vuáváámist kalga kuittâg huámášiđ VARK-kuávlu áárvuid, adai jis VARK-kuávlu árvuštâlmist kavnâttuvvoo, ete *pirrâsist já enâduvâst láá čuosâttuv addim tuárjoo elementeh*, tom kalga huámášiđ já karveđ čuávdusijd, moh hiäjudičci taid áárvuid.

Eres almoskaavaid merkkejum suojâlemkuávluh, main láá VARK-čuosâttuvah, láá táválávt luândusuojâlemkuávluh. Ubâlohán almoskaavatääsist čaittum kuávlu ovdedem já kuávlust leijee VARK-kuávlu áárvui siäiludem kooskâst láá viehâ uccáá potentiaallih ruossâlâsvuodâtileh. Tuođânálásumos ruossâlâsvuodâmáhđulâšvuodâh hamâšuveh VARK-kuávluin, moh láá asâmân, jotolâhântâi luámu- já mađhâšemtoimáid čujottum kuávluin. Tain stuárráamus vuástâlij mittomeerij asâttem puáhtá karveđ puorij vuáváámáin já muuneedmáin.

Joba 322 VARK-čuosâttâhhâd iä lah merkkejum almoskaavaid. Tain čuosâttuvâin 32 láá vuáijum kárbaħ, já loopah láá eennâmkuávluin leijee arkeologâlliħiħ čuosâttuvah. Tai čuosâttuvâi uásild lii lemin riskâ, ete toh iä huámášuu kuávluvuáámist. Lohomeeri lii olâtteijee styeres, ko toovlášpasâttâsâid kolgâčcij ain merkkid almoskaavaid ucemustáá čuosâttâhmerkkiimáin. Kaavah, maid toovlášpasâttâsah iä lah merkkejum, láá koskâmiärálávt vâhá puárásuhoh ko toh, maid toovlášpasâttâsah láá merkkejum ravvui mield. Aheiäru lii kuittâg uáli ucce.

<b>VARK-čuosâttuvah kaavain (n = 1392)</b>	<b>čuosâttuvah, pt:d</b>	<b>% VARK-čuosâttuvâin</b>
almoskaavajum kuávlu		
merkkejum almoskaavan	549	39 %
iä merkkejum almoskaavan	322	23 %
kuávlust ij almoskaava	523	38 %
sajattâhkaavajum kuávlu	204	15 %



Kárttá. VARK-čuosáttuvah já kaavam. Tuávááškárttá © Eennâmmitedemláfjádás 2022.

VARK-kuávluh merkkejuvvojeh puátteevuođâst sehe eennâmkoddekaavaid já taid vyeleeb kaavataasijd tai tuodâlii raijim miäldásâš kuávlun. Iäru eres fastâ toovlášpasáttâsâi iähtun lii tot, ete VARK-kuávlui puotâ virgeomâhááh kalgeh toimâmstis pieijâđ eromâš huámášume toos, ete tuše kuávlu huámášem lasseen meiddei arkeologâlij čuosáttuvâi kavnâttum áárvuh huámášuvvojeh vuávámpargoost já ton stivriimist nuuvt, ete tai siäiliumiävtuh nanoduvvojeh.

#### 4.6.3 Inventistem vaiguttâsah eres eennâmkevttimân

Väldikodálijn kuávlukevttimmittomeerijn iä lah njuolgâ riävtáliih vaiguttâsah ovtâskâs huksimlove, spiekâstemlove tâi vuávámtárbumiärádâs miedettemiävttoid. VARK-kuávlui čuosáttâhkuáhtásiih riehtivaiguttâsah ovtâskâs huksimhaahân tâi eennâmkevttimân šaddeh MRL miäldásii kaavamprosesist já vuáđuduveh sierâ kaavataasij siskáldâsvátámâššáid sehe talle, ko fastâ toovlášpasáttâsâid kiedâvušeh toovlášmuštolaavâ (295/1963) miäldásávt. Fastâ toovlášpasáttâs tussim ääšimiäldásii lovettáá lii jyehi tábáhtusâst kieldum tast sorjhánnáá, lii-uv koččâmuš VARK-čuosáttuvâst väi ij. Tussim vaattâm love kiedâvuššâm ohtâvuodâst árvuštâlluu jyehi tábáhtus

ohtâvuodâst arkeologâlîi čuosâttuv merhâšitteevuodâ koskâvuodâst eennâmkevttimhaahân já ton merhâšumán. Ton uásild, ko VARK-kuávluh iä lah fastâ toovlášpasâttâsah, riehtivaiguttâsah šaddeh kaavam ohtâvuodâst meridemnáál kaavamerkkiimij já -miärâdâsâi peht.

Njuolgâ riehtivaiguttâsah pyehtih šoddâd motomij eennâmkevttimâr lahtojejee lopemonâttâlmij puotâ, ko staatâ virgeomâhâáh kalgeh toimâmstis huámášid väldikodálijd kuávlukevttimmittomeerijd já ovdediđ tai olášuttem. Toovlášpasâttâsah láá suojâlum lavván já taid lahtojejee čuávdusijn kalga ain táttruđ ciälkkámuš kaavavuávám tâi eres eennâmkevttim ohtâvuodâst jo-uv kuávlulii ovdâsvástâdâsmuseost tâi Museovirgáduvâst. Keevâtlávt táválumosávt lii ulmemiäldásâš čujottiđ celkkimpivduu kuávlulii ovdâsvástâdâsmuseon, mii parga táarbu mield ohtsâspargo Museovirgáduvváin.

VARK-kuávlui riehtivaiguttâsah láá válduášálávt epinjuolgâd eh. Toh iä mute tááláá riehtitile, mast väldikodálávt merhâšittee kulttuurpirrâsij áárvuid kalga turviđ kaavam ohtâvuodâst kaavam uávildem oohtânheiviittemčuávdus uássin. VARK-kuávlui mittomeerrin lii čielgâsmittiđ muuneeld tom, moh čuosâttuvâid láá luândustis väldikodálávt merhâšittee já moh iä.

## 5. Muulsâiävtui viärdâdâllâm


Pirâsárvuštâllâm mittomeerrin lii lamaš čielgâdiđ VARK-inventistem olášuttem (muulsâiähtu 1) tâi ton olášuthánnáá kyeđđim (muulsâiähtu 0) vaiguttâsâid väldikodálávt merhâšittee árvuštâllum čuosâttuvâi pirrâsân. SOVA-laavâ já -asâttâs mield tast puáhtoo oovdân tarbâšlii ennuv tááláá tile já puáttee ovdanem viärdâdâllâm. Vuolgâsaijeen kalga leđe, ete inventistem olášuttem vaiguttâsah láá positiivliih tááláá tile iähtun.

Kyehti ovdl olášuttum VAT-inventistem (RKY, VAMA 2021) iähtun VARK-inventistmist čuávuh huámâšittee ucceeb uddâ pirâsvaiguttâsah. länááš taat lii tondiet, ete VARK-kuávluin stuárráámus uási láá toovlášmuštolavván rávhuiduttum, iäge väldikodálâš merhâšitteevuotâ pyevti taas nubástatusâid. Nubbe sijâ VARK-inventistem koskâvuodâlávt uccâ vaiguttâssâid lii VARK-kuávlui kärzis vijđoduvah, kuás páiháliih vaiguttâsah ovdâmerkkâń ekonomian já kuávlui já siärvâdâhráhtusâń pääcih ucceen.

	VAMA 2021	RKY	VARK
kuávlui lohomeeri vijđoduvah, km <sup>2</sup>	186	1851	1011
koskâárvu	87,71	1,08	0,08
mediaan	46,73	0,19	0,01
mulsâšuddâmkoskâ	0,86–848,84	0,0005–247,19	0,00002–23,34
oohtânrekinistum vijđodâh	16314,24	2005,31	82,14

Tavlustâh. VAT-inventistmijn miäruštâllum kuávlui vijđoduvâi tubdâldâhlovo.

VARK-kuávlui vijđodâh västid tuše 4 % RKY-kuávluin já 1 % VAMA 2021 -kuávluin. VARK-kuávlui pirâsvaiguttâsah pääcih ucceeb oovdeb VAT-inventistmij iähtun (RKY já VAMA 2021), ko kuávlui koskâmiärâlâš vijđodâh lii ucce já nube tááhust ko inventistem ulmen lii, ete tain iä tábáhtuučii nubástatusah.



Kárttá. VAT-inventistmij (VARK, RKY, VAMA 2021) sehe Natura2000 viärmáduv suojâlemkuávlui vijðoduuvah nubijdis iähtun.  
Tuávááškárttá © Eennâmmitedemlajádás 2022.

Stuárráámuuh uđđâ vaiguttâsah kuáluvuávámân čyecih väldikodálávt merhâšitten árvuštâllum historjálij kaavpugij kuávloid. Tai arkeologâlávt pyereest siäilum uásist enâmân tussejejee tooimáid kolgâčij karveđ, já velttimettum tussiimáid pyehtih asâttid táválli čovgâdub iävtuid.

VARK-inventistem sosiaalliih vaiguttâsah láá enâmustáá positiivliih. Inventistem mield arkeologâláš kulttuurärbi pajaaan oovdân pyerebeht ko ovdil. VARK-kuávluh lasetteh sajekuávlui kiäsuttemvyeimi já nanodeh ässeí páihálâšidentiteet sehe čonnâsem jiejjâs aassâmpirrâsân. Toovlášpasâttâskuávlui tipšomtorjuuh máhđulisteh čuosâttuvâi šipšâm, enâdâhtipšom já uápistemtaavlui rähtim vuovâs uápâsmemčuosâttuvváid. Tipšomtorjuu lii máhđulâš uážžuđ meiddei eennâmtuálu eromâš pirâstoorjâváháduv peht, jis VARK-kuávlu lii kuávlust, kuus lii máhđulâš uážžuđ sajanmáávsu enâduv maanjâmuáđusâšvuodâ paigeentuálee tooimâin.

VARK-inventistem vaiguttâsah ekologâláš tiilijd láá meiddei positiivliih. Ko VARK-kuávlui já tain leijee arkeologâlij čuosâttuvâi suojâlemtilán iä nuuvtkin lah puátimin uđđâ nubástusah, puáhtá nabdeđ ete meiddei ekologâlij tileh pisoh siämmâálágánin. Tain tábáhtusâin, main VARK-kuávlu lii miäruštâllum vijðásribbon ko toovlášmuštolaavâ rávhuiduttem kuávlu tâi main pirrâs siäilum kavnâttuvvoo ohtân kuávlu merhâšume tiädutteijee árvun, ekologâlij tiilij siäilumiävtui puáráneh ovdebáá tile iähtun.

Merhâšitteemus vaiguttâsah VARK-inventistmist puátih leđe kulttuurpirrâs já enâduv tilán. Arkeologâlij kulttuuráarbán lahtojejee merhâšitteemus áárvuh huámášuvvojeh pyerebeht ko ovdil, ko toh huámášuvvojeh jo tooláá eennâmkevttim vuávámist. Ko VARK-kuávluh láá RKY-, VAMA 2021 - tâi ärbivyehibioopkuávluin, toh nanodeh siämmâst meiddei tai siäilumiävtuid já pyehtih kuávloid tai šoddâmhistorjást muštâlejee áigálíi čienjâlvuođâ.

VARK-kuávluh láá uceh já tai hammim čuosâttähviärmádâh lii piädgui já lasseen levânâm pirrâ Suomâ. Inventistem tovâttem vaiguttâsah puátih leđe puohnâssân uáli páiháliih. Sierâ pirâsvaiguttâsâi vuáruvaiguttâskoskâvuodâid árvuštâldijن ij lah meiddei puáhtám huámášid mainâšittee pajalâsvaiguttâsâid.

Pirrâs puáttee tile viärdâdâldijn muulsâiävtui 1 já 0 kooskâst SOVA-laavâ miäldásii árvuštâlmist väldikodálávt merhâšittee arkeologâlij čuosâttuvâi inventistmist láá puáhtám kavnâttid, ete inventistem olášuudijn vaiguttâsah láá válduášálávt positiivliih, veikâ-uv almolávt uáli uceh.

Arkeologâlij kulttuuräärbi tááhust lii merhâšittee, ete ton kulttuurhistorjálávt, tutkâmušhistorjálávt já tutkâmušlåvt merhâšitteemus uási lii tääl tubdum. Inventistmist miäruštâllum väldikodálávt merhâšittee arkeologâlijd čuosâttuvâid siskeldeijee VARK-kuávluid puáhtá puátteevuođâst huámášid kuávlu- já siärvâdâhrâhtusân vaigutteijee vuávâámijen jo algâmuddoost.

VARK-inventistmist láá puáhtám ovdediđ arkeologâlij kulttuuräärbi árvudem monâttâllâm já čokkiđ merhâšittee tiädu arkeologâlij kulttuuräärbi tilleest. Porgum pargo addel pyere vuáđu arkeologâlij kulttuuräärbi suojâlem jotkâoovdedmân.

## **6. Käldeeh**

### **Almostitmettumeh**

Arkeologinen kulttuuriperintö ja kaavoitus 2020. Museovirgâdâh, Kulttuurpirâspalvâlusah, Haldâttâhpalvâlusah/Lahâpalvâlusah.

Muinaisjäännösten merkittävyyden arvointi ja arvottaminen Pargojuávhu loppâraapoort 27.8.2008. Museovirgâdâh.

VARK ja kaupungit. Teemu Mökkönen, Museovirgâdâh 2021.

VAT- Valtakunnallisesti merkittävät muinaisjäännöskokonaisuudet. Ovdâčielgâdâs 10.1.2008. Museovirgâdâh.

Viranomaisten suunnitelmien ja ohjelmien ympäristövaikutusten arvioinnista antaman lain soveltaminen Valtakunnallisesti merkittävine kohteiden (VARK) inventoinissa. Juha Maaperä, muštottemčáalus 3.4.2020. Museovirgâdâh, Haldâttâhpalvâlusah/Lahâpalvâlusah.

### **Almostittum**

Arkeologisen kulttuuriperinnön hoito <https://museovirasto.fi/fi/kulttuuriymparisto/arkeologinen-kulttuuriperinto/arkeologisen-kulttuuriperinnon-hoito>

Arkeologisen kulttuuriperinnön opas AKO <http://akp.nba.fi/>

Kulttuuriympäristöstrategia 2014–2020. Statârääđi prinsiipmiärâdâs 20.3.2014 Máttááttâs- já kulttuurministeriö, pirâsministeriö. Helsig 2014

Kulttuuriympäristö yhteisenä voimavarana Kulttuuriympäristöstrategian toimeenpanosuunnitelma 2014–2020. Máttááttâs- já kulttuurministeriö, pirâsministeriö Helsig 2015

Laahâ virgeomâhái vuáváámij já ohjelmij pirâsvaiguttâsâi árvuštâlmist

<https://www.finlex.fi/fi/laki/ajantasa/2005/20050200?search%5Btype%5D=pika&search%5Bpika%5D=SOVA%20laki>

Luândusuojâlemlaahâ

<https://www.finlex.fi/fi/laki/ajantasa/1996/19961096?search%5Btype%5D=pika&search%5Bpika%5D=luonnonsuojelulaki>

Eennâmkevttim- já huksimlaahâ (maankäyttö- ja rakennuslaki, MRL)

<https://www.finlex.fi/fi/laki/ajantasa/1999/19990132>

Maiseman muisti – valtakunnallisesti merkittävät muinaisjäännökset. Paula Purhonen (toim.)  
Vammala 2001

Toovlášmuštolaahâ (muinaismuistolaki, MML)

<https://www.finlex.fi/fi/laki/ajantasa/1963/19630295?search%5Btype%5D=pika&search%5Bpika%5D=muinaismuistolaki>

Valtakunnallisesti arvokkaat maisema-alueet

[https://www.ymparisto.fi/fi-](https://www.ymparisto.fi/fi-fi/luonto/maisemat/arvokkaat_maisemaalueet)

Valtakunnallisesti merkittävät esihistorialliset suoaluekokonaisuudet. Sisašijministeriö, kaavam- já huksimuásâdâh, tiäðáttâsah 3/1983

Valtakunnallisesti merkittävät rakennetut kulttuuriympäristöt

<https://museovirasto.fi/fi/kulttuuriymparisto/rakennettu-kulttuuriymparisto/valtakunnallisesti-merkittavat-rakennetut-kulttuuriymparistot>

## Labdos 1

Oohtânsiäsu väldikodálávt merhâšittee arkeologâlij čuosâttuvâi inventistem vaiguttâsâi árvuštâlmist		
Vaiguttâsluokka	Vaiguttâsah ++ / + / 0 / - / --	Sánálâš valdâlem
<b>1. Sosiaalliih vaiguttâsah</b>		
Tiervâsvuotâ já pyereestvaijeem	++ ++ ++ +	<p>Arkeologâlijd čuosâttuvâid feerejeh mávsulâžân já taid aneh mielâkiddiivâžžân. Toh lasetteh kuávlu kiäsuttemvyeimi já nanodeh ässei páhálâšidentiteet já čonnâsem jieijâs aassâmpirrâsân.</p> <p>Stuárráamus uási VARK-čuosâttuvâin láá sierâtijppâsijn luândupirrâsijn. Čuosâttuvah láá keessimvuáimâliih já taid eelih uáppáásmin. Luândust liihâdmist lii merhâšittee vaiguttâs sehe ulmu fyysisâš já vuoinjâlâš pyereestvajemân.</p> <p>Toovlášpasâttâsâi tipšomtorjuu já eres pirâstipšomân lahtojejee toorjâvuáhâduvâi peht čuosâttuvah pyehtih leđe seervij ja ornijuumij šipšâmčuosâttuvah. Tain uárnejum tábâhtusâi peht lasetteh páhâlij ässei oohtânsuullâm já perustumme jieijâs pirrâsân já ton moonnâmáigán.</p>
Čuosâttuv vuoinjâlîih áárvuh	++ --	<p>Ko čuosâttuvvâid lahtojejee vuoinjâlîih áárvuh puáhtojeh eromâšávt tiädutdijen oovdân, meiddei ton fyysisij ráhtusij áárvustanneem lassaan já ton tussim šjälmá allaan.</p> <p>Motomáid čuosâttuvvâid lahtojej vuoinjâlîih áárvuh, maid päähihist kuállejeijeh pyehtih luávkkád peerustmettum lattiimáin.</p>
Täsiárvu	+	VARK-čuosâttuvâin paigeel 70 % láá tâálunkuávlulágán pirrâsist. Toh hämmejeh uási tâálunkuávlui kollimčuosâttuvâin, lasetteh sajekuávluidis keessimvyeimi já stuárudeh nuuvt kuávlui koskâsii täsiárvu.
Pirâstiäđulâšvuotâ	+	Pirâstiäđulâšvuotâ stuáru, ko kuávlu historjást muštâlejee čuosâttuvah pajaneh oovdân já išedeh iberdiđ, mondiet já maggaar historjá mield kuávluh láá hamâšum tagarin ko toh láá tääl.
<b>2. Ekologâliih vaiguttâsah</b>		
Luândupiirâs	+	VARK-čuosâttuvâin 95 % láá kuávluin, maid puáhtá valdâliđ luândupirâsin tâi ulmuu vaiguttâm luândupirâsin. Ko stuárráamus uási kuávluin láá jo lavváin rávhuiduttum já puohlágán tussejeijee toimâm tain lii kieldum, nubâstusah luândupirrâsân iä lah hirmâd stuárrâh. Nube tááhust VARK-kuávlu lasseet meiddei pittâs máhđulâšvuodâid siäiluđ nuuvt autentlâžžân ko máhđulâš.

	+	165 VARK-čuosâttâhhâd láá luándusuojâlemkuávluin. kuálmádâs tain láá sämmilij päikkikuávlu ruáttáás meccikuávluin. Meiddei Suomâluovtâ, Suáluimeerâ já Äpimeerâ aalmuglâšmeccikuávluin já luándusuojâlemkuávluin leijee čuosâttuvah láá valjeeht. VARK-čuosâttuvâi sajadâh luándusuojâlemkuávluin ij nuutkin vaaigut luándusuojâlemkuávlui luánduárvoid, mutâ addel laseáárvu tai maanjâmuáđusâšvuotân.
Luándu maanjâmuáđusâšvuotâ	++	VARK-čuosâttuvah pyehtih lasettiđ luándu maanjâmuáđusâšvuodâ ärbivyehibiotoppin luokattâllum kuávluin.
Ärbivyehibiotopeh	+ -	Toovlášpasâttâsâi tipšomtoorjâ máhđulist tagarij tipšomtooimâi čuosâttem taid kuávloid, moiguin nanodeh ulmuu siärválâšslaajâi cevzim. Motomeh ärbivyehibiotopij tipšomtooimah láá tagareh, maid ij pyevti olášuttiđ toovlášpasâttâskuávlust. Tágáreh láá toh tipšomtooimah, main eennâmpajaldâs kalga cuovkkiđ mottoomnáál.
Natura 2000 -kuávluh	++	178 VARK-čuosâttâhhâd láá Natura 2000 -kuávluin. Taah VARK-čuosâttuvah láá jo tääl rávhuiduttum lavván, nuuvt ete VARK-inventistem ij toovvât uđđâ vaiguttâsâid. Toovlášpasâttâsâi sajadâh Natura 2000 -kuávluin lasseet čuosâttuvâi siäilumiävtuid.
Luánduriggoduvâi kevttim	+ -	VARK-kuávluh pyehtih lasetorvo haldâšeijee eennâmkevttim pisovâšvuotân. VARK-kuávluh räijejeh fastâ toovlášpasâttâsâi vijdâsubboht eennâmkevttim ton uásild ko toh láá miäruštâllum toovlášmuštolaavâ rávhuiduttem toovlášpasâttâskuávlu stuárráabin.
<b>3. Kulttuurpirâs-enâdâhvaiguttâsah</b>	já	
Arkeologâš kulttuurärbi	++ ++ ++	Arkeologâlii kulttuurárbán lahtojejee merhâšitteemus áárvuh huámášuvvojeh pyerebeht ko ovdil, ko toh huámášuvvojeh jo tooláá eennâmkevttim vuávámist. Perustumme arkeologâlii kulttuuräärbi kuáttâ stuáru, ko VARK-kuávluh pajeduvvojeh oovdân viestâdmist. Ko arkeologâlâš kulttuurärbi äddejuvvoo já tobdo pyerebeht ko ovdil, meiddei almolâš kulttuuräärbi siäiludmân positiivlâš tåttutile stuáru. VARK-čuosâttâh addel pyere vuáđustâs toovlášpasâttâsâi tipšomtorjuu mieđeetmân. Tipšum toovlášpasâttâsâin čuosâttuv oornig tile lii älkkeb čuávvuđ já olášuttiđ tom pyeredejee tooimâid.
Rahtum kulttuurpiirâs	++	319 VARK-čuosâttâhhâd láá RKY-kuávluin. Arkeologâlâš kulttuurárbán lahtojejee áárvui oovdânpyehtim stuárud meiddei RKY-kuávlui merhâšume, ko tai šoddâmhistorján távjá lahtojejee arkeologâlij čuosâttuvâi merhâšume kuávlu hamâšuumeeest puátâ pyerebeht oovdân já äddejume čuosâttuvâi historjâlij merhâšuumeeest stuáru.

Enâdâh	+ + +	Arkeologâliih čuosâttuvah láá kulttuurenâduvâi puáräsumos kerdi. VAMA 2021 -kuávluin láá ohtsi 321 VARK-čuosâttâhhâd. Toh adeleh enâdâhkuávloid páihálávt nanosub syeji, ko toh láá toovlášmuštolavván rávhuiduttem. Arkeologâliih čuosâttuvah taheh enâduv maanĝâmuáđusubbon, adeleh toos kuhes historjálii perspektiv já laseteh ton kiäsuttejeevuodâ. Toovlášpasâttâsâi tipšomtoorjâ puáhtá pyehtiđ uccâ tipšom tiäddučyegiskuávluid enâdâhkuávloid.
<b>4. Ekonomâliih vaiguttâsah</b>		
Tálutuáluh	0	VARK-kuávluh láá stuorrâ uásild uáli uceh, iäge tain lah mainâšittee merhâšume ovtâskâs tálutuálui ekonomian.
Eennâm- já meccitááluh	0 + -	Eennâmtááluh pyehtih uážžuđ uccâ puátulase VARK-čuosâttuvváid čujottemnáál toovlášpasâttâsâi tipšomtorjuin, mutâ keevâtlávt tai vaiguttâs lii uáli ucce. Talle ko VARK-čuosâttuvah láá eennâmtáálui, main hárjutteh eennâmtáálumađhâsem, toh laseteh tai kiäsuttemyeimi. Vijdes vuovdijen leijee VARK-kuávluid kalga huámášiđ čuoppâmvuávámij ohtâvuodâst já olášuttiđ taid nuuvt, ete kuávlui áárvuh iä torvottuu. Jis čuosâttuv kuávlurajim ij spiekâst toovlášmuštolavaavâ rávhuiduttem kuávlust, iä uđđâ vaiguttâsah šoodâ.
Irâttâsah	0	VARK-čuosâttuvâin ij lah ennugvin vaiguttâs irâttâstoimâmân. Čuosâttuvah láá uceh já iänááš toovlášmuštolavván rávhuiduttum. Taan tiet finnodâhtoimâid räijejejhee laseraijiittâsah iä lah vyerdimist.
Kuávluliih ekonomia- ovdánemvaiguttâsah já	+ + -	VARK-kuávluid puáhtá kevtiđ kuávlui keessimyeimi stuárudmân mađhâsem kollimčuosâttâhhâń. VARK-čuosâttuvah pyehtih stuárudiđ tai sajekieldâi keessimyeimi čäittimáin kuávlui puáris kulttuurääribi já historjálii jotkâšume. VARK-kuávluin lii vaiguttâs vijdes infrahaavâi vuávámâń já olášutmân.
Jotolâh	0	VARK-kuávlloid jottee jotolâh ij árvuštâllâm mield puáđi lasaniđ merhâšitteht, nuuvt ete tain ij lah vaiguttâs ovdâmerkkâń kiänui paijeentolâmân já tivomâń.
<b>5. Eres vaiguttâsah</b>		
Kuávlu- já siärvâdâhrááhtus	++ +	Historjálijen kaavpug- já kylákuávluin leijee čuosâttuvah vaigutteh enâmus kuávlu- já siärvâdâhráhtus oovdedmân. Tain ij uážu olášuttiđ tagarijd tooimâid, moh hiäjudičii tai väldikodálijd áárvuid já mutáččii kuávlu luándu tehálávt. Suojâlem torvee uásild historjálii kaavpugpirrâs siäilumâń já puáhtá kuávlu ovdânam munedetteevuođâ. Historjálávt merhâšittee kaavpugij siäilumiävtuh stuáruh já tain uážzoo puátteevuođâst aaleeb täasi tutkâmuštiäti.

	-	VARK-kuávluin tussimmiärädâsah vuáđuduveh toos, ete tussim vaattâm tutkâmušâin ovdeduvvo čuosâttuv suojâlem pyerebeht ko ton siäiludmâin. Taat piäjá tussiimâneres kuávlui iähtun aaleeb iävtuid. VARK-kuávluh vaigutteh historjálij kuávdáškuávlu oovdedmân já asâtteh toos ramâiävtuid. Eennâmkevttimâneruávluh raijiittâsah já tussimtâár buh vaattâm tussiimij minimistem.
Virgeomâhâštoimâm	++	VARK-kuávlui já taid lahtojejee áárvui tubdâm já huámášem muuneeld addel eennâmkevttim vuáváámâneres munedetteevuodâ.